



De Probatis|| Sanctorvm|| Historiis

Partim|| Ex Tomis Aloysii Lipoma-||ni, Doctissimi Episcopi, Partim Etiam||
Ex Egregiis Manvscriptis Codicibvs, Qvarvm permultæ antehàc nunquàm
in lucem prodiêre

Complectens Santos Mensivm || Ianvarii Et Febrvarii

Surius, Laurentius

Coloniae Agrippinae, 1576-

VD16 S 10258

De S. Antonio patriarcha Constantinop.

[urn:nbn:de:hbz:466:1-77365](https://nbn-resolving.de/urn:nbn:de:hbz:466:1-77365)

sedem ascendisset, humili & lugubri ueste nos statim exuit, & dolorem extinxit: beat autem Meletij magis renouabat memoriam: & dolor quidem flaccescebat, amor ve rò accendebatur vehementius, & omnino sublata fuit animi ægritudo. Quanquam in amissione eorum, qui sunt charissimi, non ita solet euenire. Sed quando quis filium charissimum, vel etiam reverendum maritum amiserit mulier, quandiu quidem eius feruentem conseruat memoriam, vehementior luctus alitus in animo. Quando vero succedens tempus luctum emollietur, simul cum vehementia doloris extincta est etiam, quæ vigebat, memoria. In hoc autem beato Meletio accidit contrarium. Nam animi quidem ægritudo fuit omnino cincta, recordatio vero non simul abigit cum dolore, sed auctorita est vehementius. Testes autem estis vos, qui post tantum tempus, non secus amor Antiochenu ac apes fauum, circunvolatis corpus beati Meletij. Causa vero erat, non à natura oris in defunctus in illum amor, sed discretionis rectæ ratiocinatio. Propterea non fuit morte extinctum sancti Meletij memoria, tempore non emarcuit: sed augetur & maius accipit incrementum, non eorum solum, qui viderunt, sed etiam eorum, qui non viderunt. Est enim hoc quoque admirabile, quod qui fuerunt illius vita tempore iuniores, ij quoque accenduntur ad idem desiderium. Atque vos quidem senes in hoc solo superatis eos, qui non viderunt, quod cum eo versati esis, & fructum percepisti sanctæ eius consuetudinis. Qui autem non viderunt, vos superant, quod cum viru non adspexerint, ostendunt in ipsum non minus desiderium.

Oremus itaque omnes, tam magistratus quam priuati, tam mulieres quam viri, tam senes quam iuvenes, tam serui quam liberi, hunc beatum Meletium harum precum socium accipientes. (est enim ei nunc maior fidutia, & amor in vos feruentior) vt haec nobis augeatur charitas, & nos omnes dignemur, quomodo hic sumus prope arcum, ita illuc quoque posse esse prope beatum & æternum eius tabernaculum, & consequi bona æterna, quæ sunt ei deposita. Quæ detur nobis omnibus consequi, gratia & clementia Domini nostri Iesu Christi: Cui gloria & potentia simul cum sancto & viuisco spiritu, nunc & semper & in secula seculorum, Amen.

NICEPHORI BEATISSIMI PHILOSOPHI ET ORATORIS, ORATIO FVNEBRIS, SEV VITA EN-

comio contexta, magni inter Dei Pontifices & admirabilis inter

Patriarchas, Antonij. Habetur

in Metaphraste.

12. FEBRVA.



Ieri ergo non poterat, vt eorum, qui in fide prius præclaris extiterunt, non rursus tempus, etiam si videretur confuisse, foetus similes afferret: & per extremum partum, rebus ipsis & factis, præcedentium fructuum comprobaret admirabilitatem. Cum enim factor ab initio humanam fabricatus esset naturam, & bonorum seminum ei indidisset materiam, non sicut, vt ea cum tempore conserueret, sed vt in dies repubesceret, & ferret foetus germanos præcedentibus, supernæ cognitionis minimè adulteratam nobilitatem in se ferentes. Virtus enim non accipit dimensionem ex eo, quod est tempore posterioris aut prius: sed ex pura & incorrupta mente eorum, qui se recte gerunt: quomodo is, qui nunc oratione laudandus est propositus, qui quotidiani accessionibus ascendet totas scalas virtutum, & peruenit ad summum.

Sed oportet, huic, qui per totam vitam in virtute se exercuit, eos, qui per totam vitam in dicendi facultate studium posuerunt, contexere coronam: qui quidem sunt lingua boni & potentes: & admirari res præclaræ & rectæ ab eo gestas: me autem silentio longo os meum cōprimere, & linguam vinculo continere: & dum alij oratoris officio fungentur, me in numerum referri auditorum: & eorum quidem revoluere memoriam, quorum inspectio & experientia, non longo abhinc tempore, poterat esse magna, vt veritati possem verum & firmum ferre testimonium: eorum vero, quæ ignorantur,

tur, narratione per orationem percipere cognitionem. Non autem lingua inerudita, & aegritudinis animi nube confusa mente, aggredi tantæ rei magnitudinem, timenter periculum, quod imminet ijs, qui suscipiunt ea, quæ sunt supra vires. Natura enim ita est comparatum, ut verba res non possint assequi. Verba res
assequi non
possunt. Hic autem nunc, ybi & longissimum tempus dimesum est virtutem, & floridissimum pratum imitantur recte facta, postulant.

cum omnia tractare nulla possint ratione, merito refugiunt. Neque enim suum ingenium, nec rerum ignorantes magnitudinem, sperantes tamen se potius aliquid accepturos, quam datus, existimant se virtutum magnitudinem esse suam celaturos, imbecillitatem neminem enim iudicare orationes, stupefactum rerum admiratione. Quamobrem sperant fore, ut simul & lateant, & prædicentur, dum propter horum connexionem habentur in admiratione. Sed quoniam mentis, quæ inter omnes principatum obtinet, vincit sententia, quæ post exequias censet iusta patri esse tribuenda, eius in dicendo gratiae vniuersum permittentes, (que, et si necessè sit, ad nō assequi, omnino quod deficit, adjicet, vel potius orationi integrum præbebit correctionem) accedimus ad narrationem, veluti quoddam fundamentum patriam primo loco ponentes.

Sed patriæ & Majorum nolle facere mentionem: quoniam nec aliquid eorum, quæ ad carnem pertinent, cælesti illi & carnis propemodiū experiri, & qui solam noverat patriam supernam ciuitatem, in quam ciues adsciscuntur, qui sunt virtutis operatores, scimus fuisse proprium. Sed quoniam eum, qui propter nos masse nostræ assumptione factus est sicut nos, vniuersi opificem videmus & Dominum, admisisse patriam & Maiores, & humilis Bethleem magnitudinem omni lingua prædicari, nec in sancto quoquè Pontifice fas esse statui prætermittere: sed in eo potius iucundè immorari, reddendo quadammodo gratiam alimentorum. Sed in alijs quidem fortasse, patria & genus proposita, laudem ex arte afferunt: in eo autem, de quo in præsentia agimus, partus potius ijs, ex quibus ortus est, donat gloriam immortalem, infernè remittens splendorem, similiter solarium radiorum reverberationibus. Patria ergò, quæ sit vna, non potest inueniri. Nam Asia quidem & Europa gloriam inter se partitur: hec quidem propter Thraciam, illa vero propter Phrygiam, cuius ortum sibi vendicantes. Patria S.
Antonij
episcopi. Cūm res autem sit inter eos controuersa, apparet alia tertia patria, nempe regina vrbium, quæ etiam eum aluit, vlnis suis amplectens, ex quo ferè à puerilibus fascijs eum euolui contigit, ut qui ei postea futurus esset decus & ornamentum. Et hæc quidem, ut potè caput, ei facilè & prompto animo cedit, sperans fore ut fruatur gloria. Asia vero aegrè fert quidem, sed non usque ad immoderatam fertur contentionem: se reginæ autem submittens, & Majorum eius contenta gloria, à quibus sunt huic fontes generationis: quos genus ducentes ex Phrygia, propter munera imperatoria, quæ obierunt in exercitu Imperatoris, habuit regina vrbium habitatores, animo quidem fortes, fortes autem corpore, & eius, qui ex ipsis erat dignendus, prius in se describentes fortitudinem contra vitia & constantiam.

A quibus ortus huius pater, ab ipsis parentibus ab inceunte ætate, tanquam Samuel, & habitu Dei sorti dedicatur, & re ipsa: & ad generis successionem lege matrimonij coniungitur mulieri, honesta quidem animo, honesta vero omnibus moribus, & corporis specie non afferente dedecus nobilitati animæ: & quæ, ut semel dicam, animi & corporis dotibus, marito qui erat in vtrisque insignis, nulla in re erat inferior. sed erat biga insignis, biga veneranda, biga, quæ beata censebatur: coniugium, quod multorum oculos conuertebat ad admirationem: parùm quidem carni, plurimum autem Deo viuens, & ijs, quæ verè ad Deum ferunt, factis & rectis actionibus: pro quibus & per quæ, tanquam aliquod præmium virtutis, dignati sunt sacrum frumentum producere. Qui in materna quadam possessione, quæ non multum aberat à ciuitate, in qua habitabant, urbanos tumultus, & Iconomachorum, quæ tunc vigebat, rabiem declinantes, in lucem editus, magis pietate alebatur quam lacte. Cūm autem iam incepisset balbutire, parentibus iucundam exhibuit admirationem. Balbutienti enim linguæ nihil ferè aliud præbebat loquendum, nisi quæcumque erant mystici nostri cultus, quantum à molli & tenera pueri natura potest exprimi & è labris progredi: & hoc paulatim crescens cum augmento corporis, simul etiam crescentem habebat admirationem: & qui cunque id videbat, erat propheta futuri.

Cūm ad quintum autem annum peruenisset, literarum figuras doctus à sancto spiritu,

Nota tan-
tillæ etatis
mores mi-
rabilis.

ritu, (neq; enim venire ad ludum magistrum, puerorum irrisiones & alias pueriles ineptias declinans, in animum induxit) omnes sacras orationes, maximè quæ non mysticæ ac secretò prolatæ, sacrifici voce perueniunt ad aures eorum, qui initiantur, ingeniosè memoriter pronuncians, decaterò etiam res ipsas imitabatur ac representabat: panem proponens, & manu tenens thuribulum: perinde acsi non sustineret sacra anima, quo minus etiam in imperfecta ætate operaretur res diuinæ, & ante tempus perfectiōnis ea, quæ ad perfectionē pertinent, inchoaret: & sacrosancto puerō pro quo quis ludo erat opus & studium, parūm quidem matrem comitanti, magna autem ex parte in his seorsum occupato. Postquam verò illa ad beatam, & quæ nunquā fenevit, migravit hæreditatem, cum patre versabatur tunc, se exercens in sacris discendis psalmis. Ingenij autem felicitate, intelligentiam quidem quam pro ætate maiorem, maturiorē autem, quam pro tempore ætatis, dabant spectandam staturam corporis: mentem verò cius, quod est bonum & honestum, capaciorem, quam quantūm consentaneum esset, utrumque admittere dimensionem temporis.

Hinc cùm ad annum peruenisset duodecimum, ad res diligentius considerandas applicans, (ò mentem stabilem, ò bonum propositum) genus vitæ disreuit & elegit: alijq; reiectis, ad monasticam intuens, flagrabat cupiditate. Rerum enim principia à fine dijudicata, præbent tutam electionem eius, quod est melius. Non enim quod proportionē ætati responderet, procedens habuit iudicium: sed in iuuenili corpore canam ostendebat intelligentiam, per ea, quæ operabatur, suam cū eo, quod est bonum & honestum, indicans coniunctionem: & ijs, ad quæ se extendebat, significabat incorruptæ mentis stabilitatem: & gloriam quidem despiciens, respuens autem quidquid non fert ad Deum, elegit eam, quæ fert ad ipsum, asperam quidem, sed quæstuosam viam, & quæ sola potest bonos mercatores transmittere ad illam verè preciosam margaritam. Sciebat enim diuino amore prius capta anima, ad id solum, quod desideratur, omnino contendere, & omnia nihil dicere, quæ nihil faciunt ad id, quod queritur. Quod enim toto animo electum est ad acquisitionem, est firmum ac stabile: Quod autem est firmiter acquisitum, promptum est ad conseruandum. Qui enim semel fuerat incitatus ad id, quod est honestum, tanquam ab aliquo carcere à virtute parentum, perpetuo ferebatur impetu, Deum querens, & ad ipsum contendens.

Dehinc deducitur ad virum sanctum, qui præferat sacro monasterio, & erat insignis virtute: cui magnam acquirebat gloriam actio & contemplatio, quæ corporis & animæ motus dispertiebant. Qui cùm cum statim sibi coniunxisset, & vt, quæ esse potest in iuuenie, virtutem præuideret, cum traduxit ad suum habitum & amictum: tanquam quadam tabula ei suis propositis virtutibus, cumq; suo exemplo informans, facto potius quam sermone fuit ci doctor bonarum disciplinarum. A quo exercitatus in orbe disciplinarum, attraxit dulce fluenti diuinarum scripturarum, externæ ebrietatis crapulam repellens illo institutore, & decaterò nunquam conuersus, admouet manum arato exercitationis, profundos proscindens sulcos virtutis, & ad fructus ferendos reale præparans. Et noites quidem habebant linguam, precibus & hymnis vacantes, preces & tem, & diuinarum rerum meditationi: dies autem manus vehementer inseruientes hymnos. ijs, qui simul cum eo exercebantur. Aperte enim sciebat, quid alij labores magnum quidem, (quidni enim?) sed non tantum, lucrum præbent. Qui autem conferuntur ad proximo deseruendum, multiplicem fructum ferentes, quod à Deo datum est uniuersum, cuique talentum, multiplicant: cuius summa est charitas, quæ est fons bonorum: à quo qui sordes abstergit riuus profluens, splendidè Deo silit, id quod est ad eius imaginem, diuina imitatione per commiserationem describens indeleibile. Optimè enim apud se & sapientissime diuidens, hanc charitatem per totam vitam adhibuit fidem: per quam anima à sensilibus euolans, reuertitur ad primam dignitatem.

E & alienus à vanagloria. Hanc firmam posuit basim. Super eam domus virtutis stabile & firmum fecit fundamentum. Per eam neque vanæ gloriae admisit vestigium. Suī enim ipsius amorem solet hoc vitium consequi. Nam quod tenetur suī ipsius amore, omnino etiam tenetur gloriae cupiditate. Suī autem amore non tenetur, qui fratres diligit. Est ergo vitio superius, quod seruit per charitatem, & in seruitutem redigit feras, quæ intus sunt, bestias, animi, inquam, perturbationum furiosos impetus: neque vlli ira dedit aditum, ut qui tanquam freno aliquo eam repelleret, & pulchre veheretur & ferretur ad virtutem. Neque

Matth. 25.
Charitas,
fons bono-
rum.

A bira,

Neque omnino aliiquid induxit cupiditati, à proximi & rei creatæ charitate traducens ad effectorem, quod quidem est ultimum expetendorum, & primum desiderandorum. Per hanc, minime adulteratam conseruabat liberalitatem, ab incunte ætate repellens ^{A cupidi-} contrariam eius affectionem: & cum ab ea conciliatam secum habitatem acquisisset ^{tate,} commiserationem, Dei omnino factus est. Sic ergo se rectè gerens ab incunte ætate, erat in ore omnium, & conuertebat ad se omnium oculos.

Iam autem in genis florente lanagine & coronante vultum plenum gratia, quæ in agendo verfatur, philosophiae pratrum in eo simul pulchre florebat. & in corde disponsens ascensiones, perfectiore consilio perfectiora aggrediebatur opera. Consultabat vero, non diuina Musa, non Demosthenis vtens vehementia: sed diuina quadam prudenter & hominem superabat, & ubique inueniebat magnam possessionem, rem, inquam, diuinam, nempe quæ deos facit charitatem, vel potius quam habebat proferens, ad scopum ferebatur, negociali Hermogenis arte nihil indigens. Per hanc ei aderat morum lenitas & moderatio, grauitas, mästuctudo, simplicitas, suavitatis, serpentis prudenter contemplata columba sinceritate. Hinc etiam siebat, ut sciret mensuram sermonis & silentij, & motum manus, & gressum pedis, & gustus camum, & terminum visus, & amissum odoratus, & cautionem auditus: ut in pura & secundum naturam specula maneret anima, & non mors, nempe is, qui suo vtitur arbitrio, per fenestras ad ipsam lateenter ascenderet, ut est in proverbio. Et decanterò unum erat ei studium, ut carnem efficeret seruire spiritui, & venari feras cogitationum, & antra repurgare, inuestigantibus mentis notionibus, sobrijs & vigilantibus veluti canibus, mentis celeribus ad meliora motionibus.

Quamobrem nihil magnum existimabat eorum, quæ annuunt ad interitum, & quibus innatum est, ut tempore diffuant: non gloriam, non diuitias, non ipsam, quæ est in dicendo, sapientiam: sed vnicas habebat diuitias, nempe virtutem & veram cognitionem, quam re ipsa conciliare solum scit philosophia. Sciebat enim, quod etiam si philosophia sit eorum, quæ sunt, cognitione, aetio tamen est ascensus veræ contemplationis: Ex contemplatione autem, eorum, quæ sunt, exquisita consideratio. Actione ergo videtur veram acquirere philosophiam. Talis erat quidem nouus Ioseph, regula temperantiae: qui aduersus vitia & demones clara erexit trophyæ: & fuit quidem ipse præclarus, multis autem preclariores reddidit suo exemplo. Quid mihi Socratis ad hæc admonitiones, aut leges Platonicae, aut vniuersa virtus gentilium, quæ ficta specie exercetur? Quis Solon legum decretis, ut hic monitis actiua philosophia, quæ re ipsa & factis loquuntur, deduxit homines ad meliora studia? Quis Epimenides in rebus diuinis adeo sapiens, vite diuina multis fuit occasio? Per quem fuerunt quidem morte affecta vitia: purgata autem fuit anima & corpus: resplenduitque vita quieta & remota a negotijs: in quo & ira fabricabatur emus, & frenum linguæ, & partium animæ exercebatur concentus. Ex quibus, & per quæ, pulchre efficiebatur unum genus, quod antiqua pulchritudinis diuinos emittebat splendores.

Cum autem precedentem tempore ad virilem peruenisset etatem, & virilius actiua exerceret philosophiam, latet eius præceptor propter incorporam vitam in viri corpore, & tanquam propria gloriens, cum ducit ad illum, qui tunc tenebat clauum Pontificalem ciuitatis regia, ut initiaretur christiæ presbyterij. Qui non solum per gra. ^{Initiatur} dus intermedios eum deduxit ad indumentum sacerdotij, sed illius testimonio cum christiæ presbyterij, etiam ordinavit, ut præcesset monasterio: & decanterò novo Mosi traditur populi regio, ut qui parua philosophia collegerit multam pulchre pascendi peritiam. Virtutis enim statuebat perfectionem non solum in eo esse fidem, ut ipse se recte gereret: sed ut etiam ex quadam redundantia esset omnibus regula. Non sunt enim tam sonoræ tubæ, eo tempore, quo stat instruta aries, ad milites ad pugnam excitandos, ut virtutis fudores eos, qui sunt subiecti, excitant ad acie decernendum aduersus inimicos, qui percipiuntur intelligentia. & quomodo dux exercitus aduersus hostes omnem mouet aciem, quando ipse pugnam incepit, factis suis excitans ad virtutem: ita etiam, qui sunt exercitus duces aduersus vitia, cum fuerint redimiti præclaris coronis victoria, efficiuntur omnibus efficax admonitio.

Hinc erat ei perpetua propemodum inedia, & vigilia, & quæ nunquam intermittebatur precatio: ex quibus & per quæ erat corporis maceratio, & in carne vita carnis ^{Eccè virtus sancti pietatis summa exercititia,} expersa, citia.

expers & tranquillitas cogitationum. Hinc corum, quæ oportebat, erat sincera disceptatio & iudicium, & omnium simul voluptatum contemptio, & hyemis ac æstatis tempore corpus suum vna amicire tunica, humiique cubatio, & mensa nullo apparatu instruta, vt quæ pane & oleribus exciperet exercitatorem: non vt multis, ad aliquot annos, sed à teneris vnguiculis, à prima ineunte ætate perducta usque ad ultimam & senilem. Hinc erat austeriora temperata suavitate, & lenitate asperitas: vt neq; reprehensio esset inutilis propter austerioritatem, neque disciplinæ non pateret aditus propter asperitatem: adeò vt esset quidam per omnia bonorum concentus admirabilis. Licebatq; videre (illic enim mea versatur cogitatio) tempore diuinij mysterij stantem sacrificium ante ordinem monasticum, non secus atque Samuele illum scribit oratio: totumq; Deo affixum & tribunal, & cum Deo versantem immaculatis mentis applicationibus, & diuinis contemplationibus effectum totum diuinum, & pulchra mutatum alteratione. Mihi verò videntur diuinæ quoquæ virtutes eum circunstitere & ei ministrare, ô diuinum sacrificium, ô perfæctum efficiens mysterium. ô vita, quæ ab eo degenerabatur, qui in corpore erat tanquam incorporeus.

Ecclesiastes 46.

Hæc videns eius pater secundum carnem, desiderauit mutare vitæ habitum, & indu-
mentum induere monasticum. Nam quod ad virtutis rationem attinet, ei ferè nihil
decerat, vt cuius à meliori institutione tota vita penderet. Idque non per aliam manum,
sed per illam sacram manum, cuius ipse fuerat agricola, hanc quoq; gratiam cupiebat
accipere. Pro omnibus alimentis postulabat, vt filii manu initiaretur, & suam viuendi
formam mutaret. Regenerat ergo eum, qui generat: & ei, qui ortus corporis fontem
monasticæ, præbuerat, animæ filius puram efficit regenerationem. & cùm aliquot annos fortiter
iugum traxisset monasticum, plenum dierum, plenum virtutum, plenum gratiarum,
tanquam maturum aliquem fructum, in cælestia horrea, cùm aduenisset tempus, cum
bona spe transmittit, laborum dignas coronas accepturum. Atque sic quidem ad-
mirabiliter res eius se habebant. Neque enim fieri potest, vt omnia describat oratio.

Benignitas Antonij in egenos. Oblatum autem tempus tanquam lucrum accipiens, misericordis animi, quod iam
diù antè conceperat, fontes aperuit, & riuos emisit misericordię, soluentes squalorem
pauperū: expromens quidem, si quid redundabat, ad illorum usum: expromens autem
multa quoquæ ex necessarijs. Non enim in ijs, quæ redundant, impertiendis, sed in ijs
etiam, quæ desunt, ille verò statuebat misericordiam. & communis simul propensa
erat utilitas diuitibus & pauperibus: his quidem soluens in opiam: illos autem cripens
ab inuidia, quæ est reposita ijs qui nulla mouentur misericordia. communis benefactor,
communis curator magistratus & priuatis, omnium mentes suo exemplo transfor-
mans & componens ad meliora. parum quidem verbis, factis verò plurimè prouo-
cans ad virtutem. Vndē etiam erat reuerendus magistratus, reuerendus ijs, qui erant
in dignitatibus, atque ipsis adeò Imperatoribus: rechèq; ei procedebat vniuersum opus
administrationis, nemine repugnante. Ex his autem non erat incredibile, quod Deus
ad communem utilitatem multa quoquæ per ipsum fecit admirabilia, etiam si quantum
per virtutem erat potens facere miracula, tantum ut ea celaret & tegeret, nonnu-
quam cùm fecisset, enigmatibus & ymbribus asequeretur. Sed quod ad multorum venit
cognitionem, & factum esse creditur, persequi tentabit oratio.

Nolebat vna ciuitate, et si sit tam magna, suam circumscribi commiserationem: sed
ad quantam Sol adspicit, eam contendebat extendere. Hinc manus scatentis miseri-
cordia participes erant Scythæ & Thrases, & cum alijs Myriquoquæ, qui sunt in Asia.
Quinetiam cùm ad eos, qui exercabantur in Olympo, quibus studium erat se fortiter
gerere aduersus vitia & dæmones, aliquando transiisset, & quidquid auri habebat in
manibus, in usus eorum consumpsisset, reuersus est ad ciuitatem, apud se agitans & vin-
diquè considerans, vnde nà rursus vestigal compararet pauperibus. Sed non sicut
eum Deus diù esse anxiò animo. Rem autem facit, ut solet, admirabilem, & cum libe-
rat à solitudine. Quidam enim ignotus, simulatq; ingressus est ciuitatem, siue ho-
mo, siue angelus, qui formam hominis suscepserat, transiunti per porticum ex quodam
angiportu accedens, ei tradit auri manipulum: & cùm dixisset, Accipe, quod insumas
in usus eorum, quorum curam geris, dicto citius euolauit & recessit. & manus quidem
habebat aurum, oculi autem non poterant assèqui eum, qui præbuerat. Hoc est non
leue signum illius cum Deo coniunctionis: hoc est non leue indicium illius magni &
excelsi

excelsi animi: hoc Abrahæ benedictionis habuit multiplicationem, quod fuit hospitiali dexteræ velut quædam sementis. Propter hæc bona magnus rectè se gessit Antonius. Hæc manui pauperum amanti, nè suppeditans egeret, fuit occasio. Cum qua re Crœsi quidem illius Lydi felicitas, & aurei lateres, neque fabula Midæ potest conferri. Eum autem, cùm in his esset, adspiciebat ciuitas, & virtutum non celabat magnitudinem, neque egregia facta terræ mandabat: fama verò excipiebat: & licet non adesset, Fama vir. Gen. 12. cum omnibus ipsis factis ostendebat: & propemodùm responsa ab ore omnium exci-
tentia, futurum tanquam præsens prædicabant. Hæc canebantur in multis ciuitatibus, tutum eius vbiq; cele-
canebantur in agris, dicebantur in montibus, in antris, in gentibus. Per omnes enim
peruadebat miraculum, & erat communis orbis terræ narratio. Hæc Ecclesiæ Christi
sponsa mouebant amorem, ardebatque sitiens eum, quem diligebat: & quarebat tem-
pus coniunctionis, & præuidens tempus desponsionis, spe dulci iucundè ducebatur.
Sciebat enim fore, ut præcedentis sponsi dignitate minimè videtur: sed cùm transmis-
serit sacro sanctum virum, qui ab infantia ad Deum vocabatur, eum, inquam, qui ex
corona nominatus fuit Stephanus, ei, qui ex fascijs est sacro sanctus, sacro sancte con-
iungatur, qui ex illius priuatione ab ea acceptum micerorem soluet.

Cùm itaque aduenisset tempus, quo hæc fieri oportebat, suffragia vniuersi cœtūs Pontificum & sacerdotum, & corum, qui vitam agebant monasticam, & ipsius quoquè Senatūs, ad dignum sponsæ Christi ecclesiæ sponsum ferebantur. Hoc quoquè mag-
nus videns Imperator, in omnem partem circumferens oculos cogitationis, semper
euram gerens eius, quod virgebat, ut qui pulchre sciret metiri præteritum, & id, quod
adest, considerare, & per utrumque de futuro certam facere coniecturam, confirmauit
electionem: vel potius Deus per ipsum obsignauit vniuersum: & tanquam quempiam Eligitur in Episcopū.
victoriæ consecutum athletam transmittens ad Olympiam, cuehit ad sedem Ponti-
ficalē, maiora habiturum certamina & coronas præclariores. Et deinceps habebat
sponsa Christi eum, qui recte tenebat leges sacerdotij, & viuebat spe indigentium, &
abundè effundebat misericordiam, & erat manibus pauperum propositus: qui in rebus
diuinis initiat, & ijs, qui initiantur, exemplar virtutis, imaginem fortitudinis, si-
mulacrum temperantie, & iustitiae ostendebat regulam: qui vitam magis, quam lin-
guam, proferebat magistrum.

Sed non fuit contentus ijs, quæ præcesserunt: non ad relaxaciones adspexit, ut ali-
quis alius: neque pepercit senectuti: sed sudores succedebant sudoribus, & labores la-
boribus, & sanctis curæ curæ magis sanctæ: & perinde ac alatus quispiam, virtute sancti
spiritus, in senili corpore assūmit vigentem animi alacritatem, & obit omnes Christi Obit omnes
ecclesiæ, tum precibus Deum placans, tum eas, quæ tempore laborauerant & malè ecclesiæ.
erant affectæ, pro viribus recreans: eosq; qui è fuggi est in inopiam deciderant, copio-
sis succurrens suppeditationibus, & quotidianis prouentibus distribuens elemosynam
innumerabilibus pauperibus. Quamobrem & qui laborabat inopia, lœtum diem age-
bat, & hospes obliuisciebatur patriæ, & orphanus non lachrymabatur, & viduitatis fer-
ream fornacem extinguebat vidua. Quis tantam curam gessit iustitiae? Quis iniuria
affectis magis fuit salutaris? Quis eorum, qui iniuriam faciebant, sic propulsavit im-
petus? Quis lites composit? Quis nimis erectum detraxit supercilium? Quis superbum
& arrogantem animum traduxit ad moderationem? Omnia & per omnia ipse suo ex-
emplo complanabat, salutare medicamentum effectus morbis animæ. Sed quis ex pau-
peribus, cùm adpersisset lachrymis forum iudiciale, vt ius suum obtineret, cum pau-
pertate abiit, deflens quod ius suum non posset affequi? Quænam autem vidua, quis or-
phanus, si venissent in ipsius conspectum, aut ipsam postea defleuit orbitatem, aut non
levatus fuit calamitate? Omnibus aderat sua proutientia, malum, quod vnicuique af-
ferebat molestiam, suis auferens beneficijs, verbis consolans, auro opem ferens, te-
gens vestibus. Videbant etiam quædam supra rationem in ipso conuenire, quæ secun-
dum naturam non conueniunt: austritatem & suavitatem, humilitatem & grauita-
tem, seueritatem & lenitatem. Quorum alia quidem applicabat ijs, quibus vis affereba-
tur: alia autem ijs, qui vim afferebant: & alia quidem erant medicamenta, quæ superbi-
am & fastum detrahebant eorum, qui aduersus proximū attollebant supercilium: alia
autem recreabant id, quod erat afflictum.

His ecclesiæ cœtus traducebatur ad meliora, Deusque propitius, & magnus Impe-
rator

rator gaudens delectabatur. Incorrupti vero animi videns in suffragio iudicium, quod in rebus ipsis fallinon posset, cum per ipsum statuissest vetus Ecclesiae vlcus seu schisma ad cicatricem deducere, in unum cogit Orientalia & Occidentalia: & cum philosophie florem arte dicendi temperasset, linguam profert salutatem, & iusta persuasione, late vultu & ridentibus oculis soluit offensiones, & re ipsa ostendit, quantum inter sit inter Regem in doctrina educatum, & potestatem, qua eius non est particeps: tunc maximè temperans viuentem Ecclesiae craterem in Pontifice, qui mensam proposuit, actiuæ philosophia bonis lautam & refertam, decebatque & Imperatoris Philosophi, & Pontificis in agendo industrij illud magnum & admirabile opus esse & studium, per quæ est incorruptum iudicium, & tribunal muneribus impollutum, & continuorum iudiciorum sapiens excogitatio: per quæ & liberè loquitur & sic se gerit iustitia, & locum non inuenit aduersaria: per quæ & reprimi poterant orphanorum lachrymae, gemitusq; viduarum, omnisque malignæ & dolosæ machinationis nodi dissolui, & dux exercitū imperium accipere, præmium virtutis, & è turpi lucro manum præbere mundam communia & publica, & diues non sustinere bonorum publicationem, & pauper nulla affici contumelia, & agricola sulcos iucundè proscindere, non timens vestigialium exolutionem agri, cuius fructus non percepit. Horum manus in cælum extensa, & riua lachrymarum emissi ex oculis, Deum iam olim placauerunt, & quam, qui eis erant subiecti, iustum iram in se suis peccatis provocauerunt, eam lachrymarum fluentis (O benignam & clementem mentem) sedatam immutârunt, & lachrymas omnium represserunt, fusis misericordia lachrymis, & sua in eos, qui erant eiusdem generis, misericordia, è superis diuinam attraxerunt misericordiam, & terræ faciem, quæ squalore & siccitate interibat, diuinas miserationes coegerunt renouare.

Hæc sunt philosophica mentis facta præclara, qua sunt germana factis Mosis & Aaronis, conferenda cum factis Eliæ & Elizæ, similia factis Dauidis & Samuelis. Magnum illius virtutis indicium, quod tunc curam sustineret pontificalem, quando Imperator à pueri iustitia nesciit, non se dans voluptatibus, non recusans labores, quorum fructus sincerae afferunt voluptatem: sed se doctrinæ dedicans & eloquentia, philosophiam magis quam alta bona, ut quæ propter ipsam conferantur, eligendæ esse dicens, concionantem mouebat linguam, quæ profundebat verba melle suauiora, similia verbis Solomoni, conferenda cum Dauidis: quo tempore magis apponebat mensam verborum quam ciborum, & dogmatum, tanquam ex fonte aliquo, fluēt copiosè emittebat, & scripturæ profunditatis citra offensionem latens sensus ab eo inuestigabatur, & vniuersus bonorum chorus poterat loqui liberè.

Cum in his esset homo Dei, & florentem doctrinam videref cum virtutibus in Imperatoris anima, quæ iuuenili vtebatur corpore, & vestigia antiquæ felicitatis, & vniuersum alium consequentem statum tam ciuilem quam œconomicum, & quæcumq; de iudicio rerum habita oratio, morum tribuit disciplinæ, gaudio torus diffundebatur, & Deum laudabat, rem eam dicens esse occasionem gratiarum actionis, & dicens se ab Imperatore lubenter superari: qui et si mundanis obruatori solicitudinibus, accuratiùs tamen res assequitur, quam ij, qui in spiritualibus rebus consenserunt, tum ingenij felicitate, tum dicendi facultate: & cum alijs, ea quoquè apprimè sciat, quæ pertinent ad animam, tanquam qui non solum corporibus, sed etiam animis imperet solertia in genij & mentis acuminis. Unde etiam tanquam sui pudore affectus vir ille admirabilis, negligit cor omnem sui curam despiciat in ætate illa senili, corpus omnino neglegens & ea, quibus sciebat id recreari, & quæ ad opem ferendam animæ in certaminibus virtutis, corpus minimè ledherent.

S. Antonius etiam senex negligit cor omnem sui curam despiciat in ætate illa senili, corpus omnino neglegens & ea, quibus sciebat id recreari, & quæ ad opem ferendam animæ in certaminibus virtutis, corpus minimè ledherent.

Quamobrem in longa inedia, & vincendo dolores corporis, suscipiebat labores, qui vites corporis superabant: quod quidem est naturæ inimicum, & quod auersatur ars medicinæ: et si esset eius corpus calidius temperatione, & significaret non esse ei aptum, quod deficit. Nè videretur tamen esse remotus à natura hominum, quid sit? Anima nonnunquam veluti in se contracta, & ad Deum excedens, vi naturæ, veluti consulto procurans corpori relaxationem, parum remittebat laborum tenorem perpetuum. Hoc autem ijs quidem, qui recte nolebant intueri, esse visum est ostentatio: ijs vero, qui erant recti corde, & non tardi ad adspiciendum vetera patrum exempla, virtus & sumnum virtutum, & re vera ad Deum excessus & emigratio. Talis cursus, talis vita, talia

Imperator
à pueri ius-
titia nesci-
tus,

S. Antonius
etiam senex
negligit cor
omnem sui
curam

talia eius recte facta. In necessitatibus tolerantia, in fortunæ casibus magnus & excellens animus, in laboribus perpetua constantia, in ætrumnis fortitudo, in laboribus, pro virtute, animi alacritas, in imbecillitatibus robur, in morbis, minimè omnino cedere & consumi.

Sed venit morbus ultimus, & aderat excessus, & quæ ad excessum pertinent: & humana arguebatur imbecillitas, intima penetrante febre & depascente humorem naturalem, & dissolente vires illas adamantinas. Ille autem benigno aspectu, omnes prosequens benedictionibus, ultimam dedit salutem: & cum lingua esset impotens, sacra manus obsignauit eas, quæ dici non poterant, benedictiones. Deusque eum vocabat ad supernum tabernaculum, & chorus angelorum cum quarebat, qui ipsum in terra recte est imitatus: à venerandoq; & sacro corpore diuina separata anima vespere, cum ascendunt lucerne, cū lampade virginitatis plena oleo, sublatus fuit ad magnam lucem. Nox deinde est consecuta, & fit miraculum, quod potest conferri cum ijs, quæ vñquam fuerunt, miraculis, quod publicat illius germanam ad Deum fiditiam, & aperte describens magnitudinem virtutis. Nam cum consuetum signum ex alto Patriarchæ decessum, circa magnum templum ciuitati significasset, mulier pauperula, quæ per manum beneficiorum affientem sibi quotidianum parabat alimentum, cum ex vehementi lapsu crus haberet fractum, in tugurio facto ex foeno & palea iacens immobilis, audita causa eius, quod significabatur, tristi nuncio repente voce priuata, ad apoplexiā tendebat & paralysim. Cum autem parùm respirasset & ad se redijisset, fleuit & cœlauit miserabiliter; & lamentari incipiens, tragicè deplorabat calamitatem, appellans beneficiorum, seruatorem, nutrimentum effientium, nudorum tegumentum, opes indigentium, dicens: O duram & immanem hanc noctem, in qua extincta fuit benigna lux pauperum. ô tristem noctem, quæ obscuras offudit tenebras oculis pauperum. O Eua prima parens, & inobedientia, & inuidia, & serpens, & mors, humanæ naturæ poenæ inuitabiles. O simul mecum nutrita paupertas, quæ perpetuò assides & acerbè inuadis, non habes ergo amplius venerandam & sacram manum, quæ tuam à nobis expellat deformem feritatem. Securè deinceps inuade, insulta iacentibus: cum corporis confractione spes quoquè est confracta vita, periret pauperum viaticum. O quænam Erinnys meas pedum plantas mutilauit, vt nec funus quidem, quod effertur, possim consequi citius, quæ multos extraxit à sepulcro molestiarum?

Cum hæc & plura alia, ut est verisimile, deflendo dicaret muliercula, & acerbis perfundetur lachrymis, molestiaque & doloribus ei vires defecissent, somno opprimitur, & dulci somnio videt accedentem Patriarcham, manu signum crucis in eius fratre effingentem, & dicentem: Iam es curata, & citra impedimentum tibi licet ingredi: & euaniisse protinus ab oculis, somnium autem fuit res ipsa, & quæ fuit in somnis visio, est veritas. Nam cum à somno esset experrecta, et si dolores ei amplius nullam affterrent molestiam, rei tam admirabili & tam præter opinionem non poterat credere mulier, sed putabat sc̄ adhuc ali somnio. Sed cum perfectius excitata sustulisset dubitationem, lata exiluit, gratias agentibus vocibus narrans miraculum, & salutem sibi datum publice celebrans. Alia quoquè mulier, quæ laborabat diurna plaga occulti morbi, non secus atquæ illa quæ laborabat profluuo sanguinis, tactu loculi suffuratur salutem, & liberationem à longo tormento inuenit breui momento temporis. Quis Aesculapius, quis Chiron tale temperauit medicamentum? Quanam medendi disci- plina potest inueniri huiusmodi genus curationis?

Sed venerandum quidem & sacrum corpus, cum multorum manus vix tandem effugisset, alias aliundè partem aliquam festinantes accipere: (confluebat enim vndique multitudo, omne genus, omnis ætas, ut pofè quod cum appropinquarent exequiæ, imbecilli plurimi violento imperio studerent rapere aliquam partem, & salutis animæ sibi aliquod auferre viaticum) robore tamen & studio eorum, quibus sapienti consilio impositum fuerat, ut hæc reprimenterent, postquam mandatum est sepulcro, & natura terræ soluit debitum, & lutum datum est pilueri, ne sic quidem sicut figulus lutum in honorum, sed etiam conditum sepulcro, honorat miraculo. Quidam enim ex ijs, qui præerant texenda lanæ serica Imperatoris, correptis morbo lateris, cum vidisset præciam sibi omnem spem salutis, & medicum dies numerantem, & horas obseruantem, & tempus curiosè inquirentem, & his tempus terentem: vxorem autem & liberos eum

Catalogus
virtutum
eius.

Excedit
corpo vir
sanctus,

Mulier ea
lamitosa ci-
us obitum
validè de-
plorat.

Curatura
S. Antonio
per visum.

Matth. 9.
Nota effi-
caciæ lo-
culi.

Morbus
sanatur
oleo.

vltimis adspergentes lachrymis, & dolorem grauiorem efficients eiulatibus. Cùm ergò hæc vidisset, & omni humana ope morbum potentiores, confugit ad diuinum eius seruum Antonium: & cùm se vnxisset oleo, quod lumen alebat in loculo, (nam cùm esset fidelis, habebat modicum, quod acceperat) morbum statim fugat, & fruitur curatione: & præter omnem spem accedit ad loculum, confitens, & beneficium clara voce prædicens.

2. Cor. 2.

Exod. 16.
3. Reg. 17.
Match. 15.

Multiplicā-
tur panes
magno mi-
raculo.

Cùm verò capsæ Pontificis, ostauo die post iusta facta, quoniam non rectè se habere videbatur, mutaretur in meliorem, nouus quidam & insignis odor vnguenti sacra-tissimi, impleuit serum eorum, qui aderant, tacitè honorans eum, qui iacebat, & de-scribens eam, quæ ei intercedebat cum Deo, coniunctionem & familiaritatem. Nam qui hac caruncula, in quam cadit interitus, Christum magnificauerat, & mysticus qui-dam bonus odor ei fuerat ostensus, vt prius describitur Apostolicis cloquis, merito etiam dignatur gratia, quæ spirat vnguentum, virtute immortalem prædicante ope rationem. Nonus autem magnificentius præbuit miraculum, ad beneficium pauperum, qui ab ipso de more alebantur, vel potius à Deo per ipsum, qui etiam per Moysen in deserto alimentum pluit admirabile: & viduæ Sareptanæ, aduentu Prophetæ, parnum multiplicauit viaticum: quinque verò panibus, quinque millia: & rursus septem, aliuit quatuor millia, & certos testes, quæ satiati reliquiarum superfuerunt, sportas præbuit. Miraculum autem erat hic quoquè additamentum ciborum, qui distribuuntur pauperibus. Id verò erat panis & frumentum coctum, non numero quidem indefinito, sed quantum definita mensura distributum, solebat sufficere mille animabus. Quinetiam erant omnes eadem mensuræ, quæ solebant: ijdem cophini, qui accep-rant: eadem manus eorum, qui ministrabant. Et numerus quidem fuit consumptus eorum, qui tesseras ferebant manibus, (ijs enim prius distributis, numerabatur mille hominum multitudo) remanserunt autem tres cophini, qui suffecerunt pauperibus, qui venerunt absque tessera.

Cuiusmodi autem fuit id miraculum, quod factum est in Leonem patricium, qui præter militaribus numeris, dicatur à nobis. Vir ille laborabat difficultate anhelitus, quod causis, quæ affluerunt, obstruta essent instrumenta, & anhelitus liberum nō ha-beret meatum. Quibus cùm adeò grauiter obliteretur, tenuemque & imbecillam vo-cem ederet, aderant quidē, qui ad eum genere attinebant, maximè eiulantes: eos enim

Eccè quan-
ta potestate nisi à solo diuino Pastore. Accedit enim ad eum dormientem, & cùm eum è lecto ex-
prædicti sint citâfet, rogauit quemadmodum morbus se haberet. Qui tangens caput & membrū, sancti post
mortem. quod dolebat, non pænatum remedium, neque medicamenta Chironis suis appli-
cat manibus, (nam neq; alijs est ex his rebus curatio) sed cùm adhibuisset preces mor-
bo conuenientes, & incomparabilem malorum nostrorum curatorem Christum in-
nocâsset, ille quidem liberatur à graui morbo: verus autem fuit precum euentus. pro-
tinus enim conualuit, absque impedimento miraculum aperiens, & in tota domo su-
am salutem celebrans. Hæc sunt facta Pontificis in eius dormitionem. Quæ autem
in oratione à me sunt prætermissa, in iuuenili eius ætate facta miracula, ea narrabo re-
petens.

Cùm olim esset ætate iuuenis, & Davidicam pulsaret citharam in templo Diui The-
odori martyris, quod erat situm super quoddam cœmeterium, in quod projiciebantur
cadavera condemnatorum, vident quosdam duos adspectu deformes, (solent enim plu-
rimùm tales, quales sunt, apparere) apud se iracundè dicentes: Abeamus hinc. Præsen-
te enim adolescenti, non sustinebimus hic manere. Qui quidem repente aufigentes,
simil cum hoc verbo evanuerunt. Hoc ostendit potestatem, quæ prius sancto in eos
data fuerat. Hoc quoquè secundum conscribatur, quod præcedenti fuit æquale tempo-
re. Mulier illustris, in equo transiens per monasterium cum mundo muliebri, propè
fracta, delapsa est in terram. Nam cùm diuinus Antonius tunc esset inter adolescentes,
& improuiso esset à porta egressus, contigit currum repente conturbari, quod eam ex
alto deorsum deturbasset, nisi eam seruassent, qui cum ipsa ambulabant. Illa autem
conturbata eo, quod acciderat, venerandum ludificabatur habitum, vt in rebus huius-
modi solent, qui sunt pusilli & abiezioni animi. Cui dixit is, qui erat perfectus in iuuen-
tute: Mulier, noli cum incessere maledictis, meis enim manibus venies ad hunc habi-
tum.

Monasticū
habitum
quinam ir-
tideant.

tum. Hæc dixit sanctus: & cùm multi anni præteriissent, ad esse stū peruenit prædicio, cùm ipse quidem beatus horum esset oblitus, mulier verò ei reuocasset in memoriā, & aperuisset eum esse, qui hæc tunc ei denunciasset. Hæc sanctorum Deus, qui omnia facit & transformat, qui dat alimentum omni carni, qui aperit manum, & implet omne animal benedictione: qui glorificat eos, qui ipsum glorificant, & est mirabilis in sanctis suis. Sed quoniam breui calice orationis, tanquam magno mari, admirabilis Antonij & magni inter Patriarchas paruam vitam hausimus, agè ex doctrinorum comparatione discamus discipulum.

Adam habetur in admiratione, vt principium & radix generis. Sed hic quoquè fuit princeps & author multorum, qui non sunt nati ex coniunctione corporum, sed sunt multiplicati spiritali coniunctione: quibus non obtigerunt pœnae paternæ damnationis: sed donorum potius hereditatem, nempe vitam æternam, non mortem, sibi conciliarunt: per quam exprimitur vera & germana paterna cognatio. Et illi quidem cessit ferarum natura: sed non eorum, qui intus erant & cohabitabant. Hinc serpens & inuidia & dolus mortem sunt fabricati. Hic autem imperio rationis cùm quidquid est ferum & agreſte, reddidisset obediens, nullum inimico ad fraudem aptum reliquit instrumentum. Abel fuit primus operator Deo acceptorum sacrificiorum: sed cruento-
rum, & partis, quæ caret ratione. Hic autem sacrificius incruenti sacrificij, cuius illa erant typus & umbra ratione sacrificans & spiritu, & quotidiē scipsum immolans, à ratiōne alienarum animi perturbationum mortificatione, erat inuidia superior & eius stia, foetibus, dolo & cæde, & vniuersa denique simili catena. Magnus fuit Seth: sed habuit nepotes ex coniunctione cognitionis, quæ fratrem occiderat, qui magnitudine corporum describabant delicti magnitudinem. His verò illius quidem virtutem superauit: ijs autem, qui ex ipso nati erant spiritualiter, nullum ferè dedit aditum per bona sua precepta & monita, vt essent vitij participes. Enoch & Noë, ille quidem beatus ducitur propter translationem: hic autem, quod omne genus animantium conseruārit in diluvio. Noster verò hic quoquè exemplis non inferior, est moribus superior: & translatione non habet lætitiam, qua spe mortis interrumpatur, sed vita æterna successio puram percipit voluptatem: & seruat arcam, non plenam animantibus rationis expertibus: sed Ecclesiam, cuius illa sunt imagines, omni genere & ætate rationis partipum referat.

Cum Abraham, vocationi eius, qui ipsum vocauit è paterna domo, emigrando peregrinus effectus, paruit usque ad mortem. Sed ille quidem fugiens errorem cultus demonum, quem fugere vel ipsa docet natura, & mens, quæ dominatu deterioris non omnino perdidit vim iudicandi, tenebras & mortem luce commutauit, & pietate impietatem, quæ sunt res per se expetenda vniuersæ naturæ, quæ est particeps rationis. Hic autem à pueris lacte pietatis enutritus, & viuens in ijs, quæ erant expetenda, (nihil enim rei fugiendæ ne vestigium quidem ullum vnuquā admiserat) perfectiori iudicio quærebat magis pium statum & magis eligendum: vita vitam, & lucelucem, & eligendis, vt semel dicam, permutans magis eligenda. Quantum verò interest inter eligenda, & ea quæ sunt magis eligenda: tantum etiam omnino interest inter eos, qui eligunt. Sed Abraham quidem eos hospitio accipiens, qui transibant per Mambre, semel imprudens hospitio accepit angelos. Hic verò totius orbis terra pauperes perpetuo excipiens, Christum hospitio per totam vitam excipiebat, qui ineffabili benignitate ea, quæ sunt illorum, sibi attribuit: per quæ non in specie angelorum, sed in rei veritate, omnium effectricem Trinitatem in animam admittens, non habuit promissionem vnius filii, qui carnali præter spem erat nasciturus coniunctione: sed vt multorum potius filiorum, actiua philosophia coniugio, in spiritu vocaretur pater, habuit promissionem, & præter spem vidi multiplicationem dignam promissione, vt qui non trecentorum vernarum irruptione, multorum regum reppererit impetum, sed virili impetu tripartite animæ, vniuersam cuarterit aciem eorum, qui inuadebant, & tyrannicè id, quod est cognatum, per voluptatem redigebant in captiuitatem, sub figura regni specie.

Cum Isaac ascendit, cælestem patrem sequens iubentem, non in tumulum aliquem, sed in montem virtutum, onustus lignis continentia. Per quæ in ara cordis desiderij ad Deum ignem accendens, se hostiam præbuit acceptam. Inuenio antem eum validè es-

PPP 3

scila-

Psal. 144.
1. Reg. 2.Gene. 4.
Incruentū
sacrificium,
Eucharis-
tia.

Gen. 4.

Gen. 5.

Gen. 7.

Gen. 12.

Gen. 18.

Matth. 25.

Gen. 14.

Gen. 22.

Gen. 28. se Iacob imitatum, non solum in eo, quod non sicutis moribus variè vitam suam instituit: sed etiam in eo, quod recessit à patria, & in aliena regione degere statuerit: sed non propter cohabitationem mulierum sororum, sed propter virtutum sororum desiderium, contemplationis, inquam, & actionis: ut actione particeps esset contemplationis: & quæ quidem ad unum fontem, nempe ad primum bonum, referuntur & eriguntur: per quas multiplicatione insignium, non à ratione alienarum pecudum, sed ratione præditarum, euasit insignis inter Patriarchas.

Exod. 28. Aaron fuit primus Pontifex, sed typici & umbratilis tabernaculi. Hic autem veri, & cuius illud erat figura. Cum Moys fuit dux noui Israëlis. Cum Samuele fuit sacerdos in-

I. Reg. 17. infantia, & ad senectutem usque Deo seruens. Imitatus est Dauidis mansuetudinem, & si vis, etiam fortitudinem: ut qui non aduersus Goliath, hominem quendam magnitudine corporis gloriante, se recte gesserit: sed aduersus Goliath, qui percipitur intelligentia, malignum, inquam, & carnis expertem dæmonem, cum virga continentali

3. Reg. 19. egredius est & virga fidei, & preclarum erexit trophæum. Elias effugit infidias Iezabelis.

4. Reg. 2. Hic autem infidias impudentis peccati. Habuit cum Eliseo duplicum spiritus gratiam, ut qui monasticis & sacerdotalibus donis esset ornatus. Et ut eos, qui intercedunt, omittamus propter multitudinem Iohannis, vitam non agens solitariam, in media ciuitate imitatus est philosophiam.

Matth. 3. Hic quoquæ, quod ad se attinebat, habebat mensam absq; vlo apparatu, & hic ex pilis contexta veste corpus regebat, & veluti quadam pellicea zona, nempe perturbationum animi mortificatione, lumbos suos constringebat, & ad eum confuebat non una ciuitas, neque una gens, sed turba plurimæ populo frequentis ciuitatis, collectæ ex omne genus gentibus & ciuitatibus, tam Orientales quam Occidentales: non aqua tingenda, sed spiritali purificandæ mysterio, quod peragebatur diuinis instrumētis illius manus & lingue, & initiatib; eos, qui dignabantur communione deifica participationis.

Apostolorum autem sequens doctrinas & traditiones, & eis suam vitam semper componens, factis germanum confirmauit martyrium, in eo quod martyrum zelum haberet pro pietate, & quotidie sua moreretur conscientia, monasticorum laborum diuturna & acerba perpessione: quod martyrica virtute nulla in re est abiecius. Omnium ergo sanctorum & iustorum, illorum quidem mores, horum vero cursum, aliorum autem actionem, simul vero omnium, ad primum bonum, vehementissimum & constantissimum imitatus est desiderium. Quo nunc aperte fruens, protegas & defendas, o diuinum & sacrum caput, sacrum gregem, & tuis precibus corroborata sceptra pietatis, & manu praæbas piæ potentia, mundi curas cum eo participans: & intercedas apud Deum afflens sine intermissione, pro eo, quod orasti cum ipso, & eius vita interesses: & mundanam ei conserues nauem in tuto portu diuinæ tranquillitatis, omnes sedans turbines & tempestates improborum, & obruens insultus inimicorum, tam eorum, qui sub oculos cadunt, quam qui non cadunt: In Christo Iesu Domino nostro: Cui gloria & potentia nunc & semper & in secula seculorum, Amen.

VITA SANCTI PATRIS NOSTRI MARTINIA- NI, EX SIMEONE METAPHRASTE.

I. FEBRVA.

Martinianus adolescens petit eremum.



ROXIME ciuitatem Cæsaream Palæstinæ, mons est, qui vocatur Locus arca. In eo ergo monte sita est solitudo, in qua habitant multi viri, qui vitam agunt monasticam. Inter quos cognovimus etiam beatum & virtute præditum Martinianum, habitantem in hoc monte. Hic ergo beatus cum ab ineunte ætate Deum amasset, multa suscepit certamina aduersus inimicum. Insignis itaque specie corporis, & ætate iuuenis, ut qui esset circiter octodecim annos natus, relicta ciuitate & ijs, qui in ipsa hababant, & eorum tumultibus, se tradens quiete & solitaria vita, venit ad hanc solitudinem. & in ea habitauit, viginti & quinque annos, vitam in ea agens angelicam. Quamobrem dignus quoquæ fuit habitat,